

Wewete Here Arai i te Tuku o tetahi Whenua Maori.

PLUNKET, Kawana.

NOTE MEA kua tukua mai te tono ki te Kawana e te tangata nona te whenua e mau nei te whakaaturanga i roto i te Kupu Apiti ki tenei, e inoi ana kia wetekia te here e arai ana i te tuku o taua whenua, e mau nei i roto i te tiwhikete taitara Whakawhiti Whenua (Pukapuka 84, Wharangi 189), i tuhia i te rua-tekau-ma-tahi o nga ra o Oketopa, kotahi mano e waru rau e iwa-tekau-ma-ono. A notemea kua ata uiuia te tikanga o taua mea e te Kooti Whenua Maori, a kua puta te kupu a taua Kooti whakaatu mai he mea pai kia wetekia taua here :

Na reira, His Excellency te Kawana o te Tomioniona o Niu Tireni, i runga i te whakahaerenga me te whakatutukitanga i nga mana kua whakawhiwhia nei ki a ia e te rima-tekau-ma-rua o nga tekiona o "Te Ture Kooti Whenua Maori, 1894," i runga hoki i te kupu whakaae a taua Kooti, tenei ka ota ka ki kua whakakorea nga here katoa e mau nei i roto i te taitara tiwhikete Whakawhiti Whenua e arai nei i te tuku o te whenua e ata whakaaturia nei i roto i te Kupu Apiti kua tuhia ki raro nei.

KUPU APITI.

KATOA tera pihi tera wahi whenua ranei, kei roto i te Takiwa Ruuri o Belmont, kei roto i te Takiwa Whenua o Werengitana, tona nui e 5 nga eka e 3 ruuri e 26 paati, nui ake iti iho ranei, e mohiotia ana ko Wiremutaone A, ara ko tetahi wahi o Wahanga 19 o Tekiona 7 o Poraka XI o taua Takiwa Ruri o Belmont, kua uru nei ki roto ki te tiwhikete taitara, Pukapuka 84, wharangi 189, o te Pukapuka Rehita o te Takiwa ki Werengitana—engari ka kapea ki waho tetahi wahi o taua whenua, tona nui e 3 ruuri, nui ake iti iho ranei. Koia tenei ona rohe: Ki te tuaraki ko Wahanga 19B, e 601.27 riniki; ki te rato-ma-tonga me te rawhiti-ma-tonga ko tetahi wahi o taua poraka, 128.34 riniki e 559.43 riniki; a ki te rawhiti-ma-raki he rori, e 91.06 riniki e 44.38 riniki: nana ka nui ake ka iti iho ranei aua riniki—a kua oti te ki i roto i taua tiwhikete "kaore e taea te tuku."

Ina hoki te ringa o His Excellency te Kawana, i tuhia i tenei te toru o nga ra o Tihema, kotahi mano e iwa rau ma whitu.

J. CARROLL,
Minita mo te Taha Maori.

PANUITANGA KOOTI WHENUA MAORI.

TONO KIA WHAKAPUTAINA HE TIWHIKETE I RARO I TE TEKIONA 55, WHAKATUTURU TUKU.

Tari o te Kai-rehita. Poneke, 3 o Tihema, 1907.

HE panuitanga tenei kia mohiotia ai kua tukua mai nga tono ki tetahi Kai-whakawa o te Kooti kia whakaputaina nga tiwhikete, i raro i nga tikanga o tekiona 55 o "Te Ture Kooti Whenua Maori, 1894." whakatuturu i nga tuku e mau nei te whakaaturanga i raro iho nei. Ko nga kupu whakaha katoa mo te whakaputanga o aua tiwhikete me tuku mai ki ahu i roto i nga ra tekau-ma-waha i muri mai i te ra i perehitia ai tenei panui.

[Poneke, Tekiona 55.]

Na TE WARAHĪ, Kai-rehita

NGA TUKUNGA I WHAKAHUATIA I RUNGA AKE NEI.

Nama.	Te Ahua o te tuku.	Te hainatia ai.	Te ingoa o te whenua.	Nga ingoa o nga tangata e whai tikanga ana ki taua whakahaerenga.	
1	He hoko (1907-164)	..	29 o nga ra o Nowema, 1907	Orangikaupapa Nama 4	Wiri Teone me etahi atu ki a John Anderson Watters.
2	He hoko (1907-165)	..	25 o nga ra o Nowema, 1907	Porirua, Tekiona 9, Wahanga 1	Arthur Piti Porutu ki a James Futter.
3	He hoko (1907-166)	..	3 o nga ra o Tihema, 1907	Te Aro Pa, Rota 22 ..	Hinekora ki a John Joseph McGrath me etahi atu.

KOOTI WHENUA MAORI KI WAIPAWA A TE 9 O NGA RA O TIHEMA, 1907.

Tari Kooti Whenua Maori, Poneke.

HE panuitanga tenei kia mohiotia ai ka tu te Kooti Whenua Maori ki Waipawa a te 9 o nga ra o Tihema, 1907, ki te whakawa ki te uiui hoki i nga tikanga o nga tono e mau i te Kupu Apiti i raro iho nei. Ki te kore te Kooti e tu a taua ra ka tu a muri tata atu ina watea i etahi atu o ona raruraru.

I tuhia i tenei te 4 o nga ra o Tihema, 1907.

Na TE WARAHĪ, Kai-rehita.

[Poneke, 1907-61.]

KUPU APITI.

TONO WHAKAWA WEHEWHE.

Nama.	Kai-ono.	Te ingoa o te whenua.
1128	E. H. Lee (roia mo Robert John Fleming, Frank Bee, me David Edward Davis), (Na. 223-39, 8/184)	Purimu Nama 15N.